

დაბა ჩაქვი

სახელმწიფო შესყიდვის განხორციელების მიზნით, „სახელმწიფო შესყიდვების შესახებ“ საქართველოს კანონის (მუხლი 3, პუნქტი 1, „ს“ ქვეპუნქტი) და „გამარტივებული შესყიდვის კრიტერიუმები და გამარტივებული შესყიდვის ჩატარების წესი“-ს (მუხლი 2, „ა“ ქვეპუნქტი) შესაბამისად, აჭარის ავტონომიური რესპუბლიკის უმაღლესი საბჭო (შემდგომში „შემსყიდველი“), წარმოდგენილი აპარატის უფროსის რამაზ ბოლქვაძის სახით ერთი მხრივ და შ.პ.ს. „პემა – 2012“ (შემდგომში „მიმწოდებელი“), წარმოდგენილი დირექტორის ბეჟან ბერიძის სახით მეორე მხრივ, გამარტივებული შესყიდვის საშუალებით, გაფორმებთ წინამდებარე ხელშეკრულებას შემდეგზე:

1. ხელშეკრულების საგანი

1.1. წინამდებარე ხელშეკრულების საგანს წარმოადგენს აჭარის ავტონომიური რესპუბლიკის უმაღლესი საბჭოს ადმინისტრაციულ შენობაში დეზინფექციისა და შეწამვლის ღონისძიებების ჩატარება – CPV კოდი: 90900000.

1.2. წინამდებარე ხელშეკრულების საფუძველზე „მიმწოდებელი“ კისრულობს ვალდებულებას, სახელშეკრულებო თანხის ფარგლებში, აჭარის ავტონომიური რესპუბლიკის უმაღლესი საბჭოს ადმინისტრაციულ შენობაში ჩატაროს დეზინფექციისა და შეწამვლის ღონისძიებები მოქმედი ნორმატიული აქტების მეთოდისა და ინსტრუქციების მიხედვით (შემდგომში „მომსახურება“), ხოლო „შემსყიდველი“ კისრულობს ვალდებულებას მიიღოს მოთხოვნილი „მომსახურება“ და გადაიხადოს მისი ღირებულება ხელშეკრულებით გათვალისწინებული წესით.

2. მომსახურების გაწევის წესი, ვადები და ღირებულება

2.1. შესასყიდი „მომსახურების“ გაწევა მოხდება ერთჯერ, ამ ხელშეკრულებით დადგენილი წესის მიხედვით, მხარეების მიერ ხელშეკრულების ხელმოწერის დღიდან 2017 წლის 25 ივლისამდე პერიოდში, შემსყიდველის (კოორდინატორის) მოთხოვნის შესაბამისად, მოთხოვნიდან არაუგვიანეს ერთი დღის ვადაში.

2.2. შესასყიდი „მომსახურების“ გაწევა მოხდება შემდეგ მისამართზე: დაბა ჩაქვი, მეგენიშვილის ქ. №25.

2.3. დეზინფექციისა და შეწამვლის ღონისძიებების ჩატარების ფართობში იგულისხმება, როგორც აჭარის ავტონომიური რესპუბლიკის უმაღლესი საბჭოს ადმინისტრაციული შენობის ფართობი, ასევე საკუჭნაოები, სამზარეულო, დერეფანი, კიბის ტიხარი და სხვა დამხმარე სათავსოები.

2.4. მომსახურების მიღება-ჩაბარებას ახორციელებენ მხარეთა შესაბამისი უფლებამოსილი პირები. გაწეული მომსახურება ჩაითვლება მიღებულად მიღება – ჩაბარების აქტის გაფორმების და მიმწოდებლის მიერ ელექტრონული სახით წარმოდგენილ საანგარიშსწორებო დოკუმენტებზე შემსყიდველის მიერ თანხმობის მიცემის, დადასტურების შემდეგ.

2.5. ხელშეკრულების ჯამური ღირებულება შეადგენს 300 (სამასი) ლარს.

2.6. ხელშეკრულების ჯამური ღირებულება მოიცავს შესასყიდი მომსახურების მიწოდებასთან დაკავშირებულ ყველა თანმდევ ხარჯს, მათ შორის კანონმდებლობით დადგენილ ყველა გადასახადს, მოსაკრებელს. კანონმდებლობით დადგენილი გადასახადების გადახდას უზრუნველყოფს მიმწოდებელი.

3. ანგარიშსწორება მხარეთა შორის

3.1. ანგარიშსწორება მხარეთა შორის განხორციელდება უნაღდო ანგარიშსწორების წესით, ლარში, ფაქტობრივად შესრულებული და მიღებული მომსახურების მოცულობის გათვალისწინებით, შესრულებული მომსახურების წინამდებარე ხელშეკრულების 2.4. პუნქტით გათვალისწინებული წესით მიღების შემდეგ, ათი სამუშაო დღის ვადაში.

4. მხარეთა უფლება-მოვალეობანი

4.1. „მიმწოდებელი“ ვალდებულია:

ა) წინამდებარე ხელშეკრულებით დადგენილი წესით და შეთანხმებულ ვადებში გაუწიოს „შემსყიდველს“ „მომსახურება“ მოქმედი ნორმატიული აქტების მეთოდისა და ინსტრუქციების მიხედვით;

ბ) უზრუნველყოს შესრულებული მომსახურების სათანადო ხარისხი და ეფექტურობა;

გ) შეტყობინების მიღებისთანავე უზრუნველყოს მომსახურების მიღების ან/და საბოლოო შემოწმების დროს გამოვლენილი დეფექტის ან ნაკლის აღმოფხვრა, წუნდებული მომსახურების დროულად და ხარისხიანად შესრულება შემსყიდველის მხრიდან რაიმე დამატებითი დანახარჯის გაწევის გარეშე.

4.2. „მიმწოდებელი“ იძლევა გარანტიას შესრულებული მომსახურების ხარისხსა და ეფექტურობაზე.

4.2. „მიმწოდებელს“ უფლება აქვს მოითხოვოს ფაქტობრივად შესრულებული და ჩაბარებული მომსახურების ღირებულების ანაზღაურება ხელშეკრულებით გათვალისწინებული წესით და დადგენილ ვადებში.

4.3. „შემსყიდველი“ ვალდებულია მიიღოს მოთხოვნილი მომსახურება და გადაიხადოს მისი ღირებულება ხელშეკრულებით გათვალისწინებული წესით და დადგენილ ვადებში.

4.4. „შემსყიდველს“ უფლება აქვს მოითხოვოს „მიმწოდებლისაგან“:

ა) მოთხოვნილი მომსახურების ხარისხიანად და ეფექტურად შესრულება ხელშეკრულებით დადგენილ ვადებში;

ბ) მომსახურების მიღების ან/და საბოლოო შემოწმების დროს გამოვლენილი დეფექტის ან ნაკლის აღმოფხვრა, წუნდებული მომსახურების დროულად და ხარისხიანად შესრულება, დამატებითი დანახარჯის გაწევის გარეშე.

5. მხარეთა პასუხისმგებლობა

5.1. წინამდებარე ხელშეკრულებით გათვალისწინებული პირობების არაჯეროვანი შესრულებისათვის, მათ შორის ვადების დარღვევის შემთხვევაში, ვადის გადამცილებელი მხარე ვალდებულია ყოველი გადაცილებული დღისათვის, მეორე მხარეს პირგასამტეხლოს სახით აუნაზღაუროს შესასრულებელი ვალდებულების შესაბამისი ღირებულების 0.02%.

5.2. წინამდებარე ხელშეკრულებით გათვალისწინებული პირობების შეუსრულებლობისათვის ან ნაწილობრივ შესრულების შემთხვევაში მიმწოდებელი ვალდებულია პირგასამტეხლოს სახით აუნაზღაუროს შემსყიდველს ხელშეკრულების პირობების შეუსრულებლობისათვის ხელშეკრულების საერთო ღირებულების, ხოლო ნაწილობრივ შესრულების შემთხვევაში შესასრულებელი (დარჩენილი) ვალდებულების შესაბამისი ღირებულების 10%.

5.3. იმ შემთხვევაში, თუ ვადების გადაცილებით გადახდილი (ან გადასახდელი) პირგასამტეხლოს მთლიანი თანხა გადაატარებს ხელშეკრულების ჯამური ღირებულების 2%-ს, მეორე მხარეს უფლება აქვს შეწყვიტოს ხელშეკრულება.

5.4. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

6. ხელშეკრულების პირობების ინსპექტირება

6.1. „შემსყიდველს“ უფლება აქვს, თავისი წარმომადგენლის (კოორდინატორის) მეშვეობით, ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი (ინსპექტირება), რაც გულისხმობს შემსყიდველის მიერ ხელშეკრულების პირობების შესრულების, ასევე შესასრულებელი მომსახურების ხარისხისა და ვალდებულების შესრულების ვადების დაცვის ხელშეკრულების მოთხოვნებთან შესაბამისობის კონტროლს.

6.2. ხელშეკრულებით ნაკისრი ვალდებულებების შესრულების ინსპექტირების განხორციელებაზე და უმაღლესი საბჭოს მხრიდან მიღება – ჩაბარების აქტზე ხელმოწერა უფლებამოსილ პირს წარმოადგენს მინდია ფალავანდიშვილი – ლოჯისტიკის განყოფილების უფროსი სპეციალისტი.

6.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

#### 7. ხელშეკრულების ძალაში შესვლა და მოქმედების ვადები

7.1. ხელშეკრულება ძალაში შედის მხარეთა მიერ ხელშეკრულების ხელმოწერის დღიდან.

7.2. ხელშეკრულება მოქმედებს 2017 წლის 30 აგვისტომდე.

#### 8. ზოგადი დებულებები

8.1. ხელშეკრულების პირობებში გადახრა ან ნებისმიერი ცვლილება უნდა გაფორმდეს წერილობით, ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

8.2. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

8.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მხარეს ხუთი კალენდარული დღით ადრე წერილობით ან კომუნიკაციის ელექტრონული საშუალებების გამოყენებით.

8.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

8.5. მხარეები თანხმდებიან, რომ:

ა) ურთიერთობები, რომლებიც არ იქნა რეგლამენტირებული წინამდებარე ხელშეკრულებით, უნდა დარეგულირდეს საქართველოს კანონმდებლობით;

ბ) წინამდებარე ხელშეკრულებით გათვალისწინებული საჯარიმო სანქციების გამოყენების შემთხვევაში ხელშეკრულება მოქმედებს ჯარიმის თანხის სრულად დაფარვის მომენტამდე, ანგარიშსწორების ნაწილში საბოლოო ანგარიშსწორებამდე;

გ) წინამდებარე ხელშეკრულების 2.5. პუნქტით განსაზღვრული ჯამური ღირებულების მთლიანად აუთვისებლობის შემთხვევაში შემსყიდველი პასუხს არ ატევს, აღნიშნულ შემთხვევაში ხელშეკრულების ჯამურ ღირებულებად ჩაითვლება ფაქტიურად ათვისებული თანხა, რაც ცალკე წერილობით შეთანხმებას აღარ საჭიროებს;

დ) არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

ე) თითოეული მხარე, კისრულობს ვალდებულებას კეთილსინდისიერად შეასრულოს წინამდებარე ხელშეკრულებით ნაკისრი ვალდებულებები.

8.6. ხელშეკრულება შედგენილია ქართულ ენაზე, სამ ეგზემპლარად და სამივე ეგზემპლარს აქვს თანაბარი იურიდიული ძალა, აქედან ორი ეგზემპლარი ინახება „შემსყიდველთან“, ხოლო მესამე ეგზემპლარი „მიმწოდებელთან“.

#### 9. ფორს-მაჟორი

9.1. ხელშეკრულების პირობების ან რომელიმე მათგანის მოქმედების შეჩერება, „ფორს-მაჟორული“ გარემოებების დადგომის გამო, არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციებს.

9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.

9.3. მხარეთა ვალდებულებები და პასუხისმგებლობა განახლდება „ფორს-მაჟორული“ გარემოებების მოქმედების დასრულებისთანავე.

#### 10. ინტერესთა კონფლიქტი

10.1. შემსყიდველის მხრიდან ხელშეკრულებაზე ხელმოწერი პირი და კოორდინატორი, „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად ადასტურებენ, რომ მათი მონაწილეობა აღნიშნულ შესყიდვაში არ იწვევს ინტერესთა კონფლიქტს.

#### 11. დავათა განხილვის წესი

11.1. მხარეები ვალდებული არიან შეეცადონ ყოველგვარი დავა გადაჭრან ურთიერთმოლაპარაკების საფუძველზე. თუ მხარეები ვერ გადაჭრიან დავას ურთიერთშეთანხმების გზით, დავა განიხილება სასამართლოს მიერ.

#### 12. მხარეთა იურიდიული მისამართები და რეკვიზიტები

„შემსყიდველი“

„მიმწოდებელი“

აჭარის ავტონომიური რესპუბლიკის  
უმაღლესი საბჭო

შ.პ.ს. „ჰემა – 2012“

მის.: დაბა ჩაქვი, მეგენიშვილის ქუჩა №25  
საიდენტიფიკაციო კოდი: 245 425 749  
სახელმწიფო ხაზინის ერთიანი ანგარიში  
სახელმწიფო ხაზინის ბანკის კოდი: TRESGE22

მის.: ქ. ბათუმი, გორგასალის ქ. №159ბ  
ანგარიშის № GE16CR0150009203253602  
საიდენტიფიკაციო კოდი: 445 412 713  
მიმღების ბანკი: სს „ქართუ ბანკი“  
ბანკის კოდი: CRTUGE22

აპარატის უფროსი

დირექტორი

რ. ბოლქვაძე

ბ. ბერიძე